

奇門樞要

下卷

中國古代珍本術數叢刊

遼東龍伏山人撰

竒門樞要

下卷

匯校排印本

鄭同 校正 華齡出版社

奇門樞要 下卷

遼東龍伏山人撰

推行篇第十

國運須稽三十冬。唐堯虞舜作天中。

以皇極經世推之。自子會至亥會共有四千三百二十世。正與奇門局數吻合。則一世當應一局。依局布斷。而國運因革興廢系焉。今以堯舜居五帝之季。執天中之法。定爲陽極。夏禹起三代之初。述仁義之行。定爲陰始。故截至夏禹八年甲子。陽遁

乃革陰遁始作算至邇時。正當夏至陰六局已庚辰世課。而世道治亂。王霸誠僞。莫不備載。但非儒者所先言者也。逆推往古。減三十策算之。雖千百世代皆可曆知。惟願學者考耳。

大要歲君爲主宰。最欣生合忌交攻。

夫世課興廢年局安危。蓋系于歲君與諸宮動靜損益。決之。凡生扶合德於我者爲益。尅泄刑沖於我者爲損。是以益者則天地順成。五穀豐登。君政得道。民

事安寧。並寒暑隨時。風雨隨調。賢良輔佐。外夷來朝。日月合璧。五星連珠。種種祥瑞。時獻而損者。則天地反覆。五穀豐歉。君政失道。民事離難。並寒暑不時。風雨不調。奸臣叛逆。外夷來寇。日月薄蝕。山崩地震。種種災異。時現。及扶之者。有濟我急。泄之者。有祈我濟。類尚繁庶。數不枚舉。惟只在學者臨事。斟酌斷驗可耳。

九州治亂全依此。六十流年驗歉豐。

九州治亂既主世課宮分所值當年豐歉惟依歲局任宿所管以太歲爲農神以定災祥天任爲穀使以辨成破神使生尅此彼脫盜而斷之始無誤焉如同治甲戌年系午會十二運小雪二局己甲戌課曰太歲在震格成曲直生扶天任而任星又得宮生則豐收可卜但旬內空亡逢芮宿退守不免有大醇小疵之象察其三傳初格稼穡泄穀使之氣盜農神之精初必不利中末遞生吉不勝言況乙奇

旺動天沖發搖。並來扶歲任。而豐收之秋。康樂之年。更有可據矣。餘仿此。

月盤知澇又知旱。

依世局而推月局。月局定矣。則詳雨師。水神所值。火宿。火神所臨。其得地失時。一一詳察。則亢旱水潦。始能洞悉。如乙亥年夏四月。系穀雨八局。己辛巳月。課月干居巽四。當夏令之旺。雨師在離九。遭宮分之尅。癸加丙。壬合丁。逢死地而受炎火制。英跨

虎雀乘龍。值廢垣。偏得巽風吹。白虎旺動。風伯狂號。騰蛇搖尾。火精作祟。則我盛京省南而旱亢必矣。餘類推。

日局占雨又占風。

凡占風雨晴霽。先看日局。地盤壬癸雨師。丙丁火神。風伯白虎之三般旺衰得失。再詳日干宮分與其生尅決之。則無誤焉。然而地盤三般已屬得地。又與天盤三般相見。又得日干動爻生扶沖起。又乘旺

相胎宮地界決之則准。若不得盤之地，不與天盤之見，不得動日之生，不乘旺相之時，須當他論，不必然矣。及諸象皆美，惟有一二宮之駁，亦當他論，才是。如乙亥年五月初六日，辛壬寅課，系小滿二局，查系光緒元年地盤水神得地，天盤水神相見，雨師日建，又同居乾六，必當雨論，而反晴烈者，何也？蓋壬局旬空，值夏四衰弱，丁丙炎上，當純陽旺相，風伯排動，旺辛被交，白虎發搖，死金受制，則弱者不得扶而

旺者反獲助是以不雨應異風狂振耳。餘類而推耳。

二十四盤分野定州城府縣便能通。

二四十盤者即二十四節氣也。由二十四節氣命起
二十四課則十二宮二十八宿之分野莫不可知。由
二十八宿之分野則各省九宮八野無不可辨。既知
各省分野則府州縣驛東南西北四維四正之分
野亦可以縷析矣。

夫分野者即角亢氐鄭分兗州屬清明穀雨課局。

房心宋分豫州屬驚蜇春分課局。

尾箕燕分幽州屬立春雨水課局。

斗牛女吳分揚州屬小寒大寒課局。

虛危齊分青州屬大雪冬至課局。

室壁衛分並州屬立冬小雪課局。

奎婁胃魯分徐州屬寒露霜降課局。

昴畢趙分冀州屬白露秋分課局。

觜參魏分益州屬立秋處暑課局。

井鬼秦分雍州。屬小暑大暑課局。

柳星張周分三河。屬芒種夏至課局。

翼軫楚分荊州。屬立夏小滿課局是也。

造宅推詳山與向。安墳先考替和隆。

二般生彼又扶此。管許丁財兩不空。

造葬須擇日時。二局要日時。二宮得乙丙二奇。開生
二門。輔心二星。九地九天二神。始可以用之。並要山
向。二宮臨三吉三奇。受日時。二宮進格生扶。及來龍

去水之處乘旺乘相生扶山向妻妾男女財帛官
祿諸宮。或三傳日時旺動遞生諸宮尤吉。

嫁娶推占夫婦命日時生合妙無窮。

嫁娶預擇日時二局要日時二宮得乙丁二奇休景
二門輔禽二星太陰六合二神始可以用之。並要日
時二宮生扶男女二命及男女二宮生扶子息之
座。或三傳旺動遞生諸宮尤吉。

建都預定將軍歲大要生年動九宮。

登極建號。要日時一局。生扶帝王年命。並要太歲
三乙諸宮。遞生旺動。尤佳。

星爲雷雨風雲主。神仙山川草木精。

八門男女老和少。六甲屈伸性與情。

九星應天文。九神應地理。八門應人事。奇儀應性
情。所以雷雨風雲系乎沖蓬輔任。山川草木系乎蛇
元地合。老長中少系乎開傷休生。性情屈伸系乎金
木水火土也。

雜事篇第十一

丙丁旺動癸壬旺雨不滂沱晴不明。

水火二神卓然旺動則多應雨不滂沱晴不清明
天象也。

日生壬癸丙丁制細雨微微點點傾。

日局日干宮生扶水神本主逢霖爭奈火神來
制不但不能逢霖總微微細雨亦常化爲點點滴
滴者矣。

火投水地淋漓雨。

火投水地即丙丁入一六宮之謂也。故主多雨。

水入火鄉爛熯晴。

水入火鄉即壬癸入四九宮之謂也。故主多晴。

日法癸壬居在旺連陰雨雪阻前程。

日局壬癸水神居在旺宮不逢他位制伏則雨雪連陰必多矣。

日法丙丁居在旺亢旱天時任所行。

日局丙丁火神居在旺宮不逢他位尅害則亢旱晴熱必矣。

太陰振動多陰晦元武當旬少朗清。

日局地盤太陰旺動而水神又爲輔佐並元武當於局內則陰霾天氣何能免焉。

輔星不動棲林鳥。

日局天盤天輔居於死囚之地謂之不動並兼日干動爻諸宮尅制則林鳥頓息而風自安然必矣。